


續金華叢書



續金瓶梅書



鄭氏家儀

金兆豐署

甲春康宗校
子永胡楸鋟

鄭氏家儀

目錄

通禮第一

冠禮第二

婚禮第三

喪禮第四

祭禮第五

圖第六

卷之五

經

卷之二

—

義門鄭氏家儀

續金華叢書

通禮第一

一君子將營宮室先立祠堂於正寢之東以奉先世神主吾家同居

十有餘世以事亡如事存之禮以大宗第一世祖冲素府君爲不

祧之主世世家長主祭男女左右次第排定世滿至元孫則祧藏

於墓左至朔望必參分爲三十二卓每卓果品各二楪肴饌二楪

每位酒一盞榛一鍾俗節並同清明端午等節獻以時物上元添春餅端

午重陽添粽冬至添糍望日則獻榛是日厥明家長率眾子婦詣

祠堂前擊鐘一十二聲大贊二人先詣香案前再拜分立左右唱云參神

鞠躬拜興拜興平身降神家長盥悅詣香案前贊云上香三上香

跪進齋執事者進齋于家長贊云灌齊于茅興拜興拜興平身贊

云家長率眾祇奠望日薦茗每位一盃奠畢贊云辭神鞠躬拜興拜興平身

禮畢家長出坐有序堂男女左右坐定子弟一人鳴鼓二十聲未冠

子弟二人於家長前揖分立家長左右眾子婦向家長立定唱云

揖平身舉明家訓已冠子弟一人立於家長左讀家訓見家規畧云聽聽聽凡爲子者必孝其親云畢贊云揖平身會揖男女相揖禮畢而退有事則告

一正月一日昧爽以前正門設香案焚香點燭棹三盞淨果三家長率衆子婦立定家長上香三上香少年子弟二人於香案前四拜分立左右贊云鞠躬拜興拜興拜興平身禮畢除夜冬至元宵禮同家長率衆參謁祠堂畢新正於嘉會堂賀年家長中坐其次者夫婦於家長前四拜婦人夾拜拜畢夫婦相向再拜而坐其次夫妻又拜拜畢又坐次第直至幼小者拜畢酒果三行籠炊一雙會饌而退

一四月一日係初遷之祖遂陽府君降生之朝前一日陳設於有序堂是日厥明家長率衆子婦盛服迺依木主請於有序堂行一獻禮大贊二人於香案前再拜分立左右唱云參神鞠躬拜興拜興平身家長行禮小贊二人詣家長前云請沃盥沃盥授巾請詣香

案前上香三上香跪進齊灌齊于茅授筓俯伏興家長致齊于筵

小贊

卽席鞠躬拜興拜興平身復次就次大贊云各請坐未冠筓

者立侍左右從者舉几

執事設小卓一隻

大贊云講者就坐子弟一揖

而坐大贊云從者鳴鼓

五聲

大贊云舉明宗譜

子弟知書及聲音清亮者爲之讀畢一揖而退大

贊云禮畢酒三行籠炊各一隻果脯團揖而退

一授官以肴二味果蔬各一酒二盞祝板云維年月日孝孫某

用家長名

敢昭告于

祖禰之神某之從姪或從孫某於某年月日蒙 恩

除授某官奉承先訓獲霑祿位餘慶所及不勝感慕謹以酒肴用

仲虔告

封贈止告父母或祖考妣是日於祠堂前用淨水洗刷

去舊日神主粉面再換淨粉塗之俟乾改之顯考某府君今封贈

某大夫或郎官神主顯妣某氏安人今贈某氏淑人或宜人神主

外面改陷中不改

奉主出就正寢然後行禮如常祭儀用黃紙

書祝爲之焚黃

維年月日孝子某或介子某今贈某大夫或郎

官敢昭告于某奉某月某日

誥命或勅命顯考某府君今封贈

某大夫或郎官某奉承先訓竊位於朝祇奉 恩慶有此褒贈祿
不及養摧咽曷勝謹以潔牲柔毛粢盛醴齊祇薦榮事尙饗

祭物

京果二盤

時果二盤

時蔬二盤

脯醢二盤

籠炊二盤

果合一個

冠禮第一

一 吾家子弟年十六許行冠禮皆要通背四書五經正文講說大義
否則直至二十一歲必父母無期已上喪始可行之大功未葬亦不可行

期告于祠堂家長率將冠者設肴饌果蔬焚香點燭再拜家長致
齊于筵跪執事者進齊家長灌齊于茅執事再斟酒讀祝維年月
日孝孫某敢昭告于 祖禰之前某之子某或從弟從姪某之子
年已長成今選來日加冠於其首謹以酒肴用申虔告敢 告俯
伏興再拜而退

一 戒賓古禮筮賓今不能然但擇朋友賢而有禮者爲之

賓者贊者從之先期

遣人奉書請之

一 宿賓前一日請賓宿于外館酒饌延賓是日行禮主人率眾子弟
皆盛服立於阼階下東西向執事者深衣幅巾納履升階上下周
旋進退揖讓之度習於自然不得紊亂廳上西邊爲冠者房贊者隨後
一 陳設習禮吾家正廳北向以賓居東位以主居西位設盥盆帨巾

於東西阼階下設卓陳三加冠服於東阼階下設卓奠饌於西阼

階下於廳上西邊北向設冠席席前設小卓陳果脯乃醢又設几

陳酒樽醢又設賓主之位於廳阼階上東西向大門口設席二片

於地東西向大贊一人立於阼階西邊東向賓至門外僎者至阼

階下南向云賓至矣大贊云主人迎賓升堂主贊二人詣主人前

云請迎賓○引至大門外東向賓贊二人引賓西向主贊云請卽

席鞠躬拜興拜興平身請升堂○引至門內相向主贊云少立揖

平身○引至阼階下云少立揖平身請升階升階就次至阼階上

賓主相向大贊云贊者盥悅升自西階入房南向又僎者設筵僎

者抱席升自西階設於廳西間少偏南向大贊云將冠者由房南

向贊者奠纚笄櫛于筵南端賓揖冠者卽席賓贊云揖平身○贊

者云請卽席贊者立於冠者後隨冠者出入大贊云賓降主人亦

降賓贊云降階少立○主贊如之大贊云主人揖賓盥悅主贊云

揖平身○賓贊云請詣盥洗所盥手悅手復次至階下○少立大

贊云主人揖賓升堂主贊云揖平身請升堂升階就次○賓贊如之大贊云將冠者跪贊者合紉畢大贊云從者以巾盤進賓降一等授之賓贊云請授巾降階授巾升階大贊曰始加元服賓贊云請加元服○引至冠者席前賓祝曰吉月令日始加元服棄爾幼志順爾成德壽考維祺以介景福賓贊云跪請加元服興復次就次大贊云贊者卒事整巾畢贊者云興大贊云賓揖冠者釋服賓贊云揖平身○贊者云請釋服○贊者取笄櫛隨後入房少息大贊云冠者出房南向賓揖冠者即席賓贊云揖平身○贊者云請即席跪大贊云從者以巾盤進賓降二等授之賓贊云請受巾降階受巾升階大贊云再加元服賓贊云請加元服○引至冠者席前賓祝曰吉月令辰乃申爾服謹爾威儀淑慎爾德眉壽永年享受胡福賓贊云跪再加元服興復次就次大贊云贊者卒事整巾○贊者云興大贊云賓揖冠者釋服賓贊云揖平身贊者云請釋服少息大贊云冠者出房南向賓揖冠者即席賓贊云揖平身贊

者云請卽席跪大贊云從者以巾盤進賓降三等受之賓贊云請受巾降階受巾升階大贊云三加元服賓贊云請加元服○引至冠者前賓祝曰以歲之正以月之令咸加爾服兄弟具在以成厥德黃耆無彊受天之慶賓贊云跪三加元服興復次就次大贊云贊者卒事整巾○贊者云興大贊云賓揖冠者釋服賓贊云揖平身○贊者云請釋服大贊云冠者出房南向賓揖冠者卽席賓贊云揖平身○贊者云請卽席大贊云賓降主人亦降賓贊云降階少立○主贊如之大贊云主人揖賓滌觶主贊云揖平身賓贊云請滌觶滌觶復次就次大贊云主人揖賓升堂主贊云揖平身請升堂升階就次賓贊云請詣酒尊所大贊云贊者酌酒賓受酒就筵北向祝之○賓祝曰旨酒既清嘉薦令芳拜受祭之以定爾祥承天之休壽考不忘大贊云冠者再拜贊者云鞠躬拜興拜興平身大贊云冠者升席受觶賓復位東向答拜賓贊云就次鞠躬拜興拜興平身大贊云冠者就席前跪左執觶右祭脯肸祭酒

三興就席末跪啐酒興降席授贊者觶奠觶于几冠者卽席賓東
向答拜鞠躬拜興拜興平身贊者退自賓左冠者拜之贊者答拜
鞠躬拜興拜興平身賓降階西向主人降階東向冠者降階少西
南向賓贊云降階少立○主贊如之大贊云賓字冠者字之曰令
月吉日禮儀旣備以某爾名以某爾字爰字孔加于士攸宜宜之
于嘏福祿永綏冠者對曰某雖不敏敢不夙夜祇奉賓自作冠辭亦可
大贊云禮畢賓出就次賓贊云請出就次○主人請禮賓大贊云
主人以冠者見於祠堂主人以冠者父至祠堂再拜上香跪告曰
某之子某今日冠畢敢見

一 禮賓主人以酒饌延賓及賓贊者酬之以幣而拜謝之

禮物隨宜

一 或因事故倉卒權從簡便前一日告祠是日詣廳事大贊一人立
於阼階上東向唱云加冠行禮家長中坐其次左右而坐大贊云
賓者設筵賓者設席於廳上中間大贊云將冠者出房南向卽席鞠躬拜興
拜興拜興拜興平身跪贊者合紉畢從者以巾盤進家長授巾祝

日吉月令日始加元服棄爾幼志順爾承德壽考維祺以介景福
大贊云跪請加元服興入房釋服息少大贊云冠者出房南向卽席
鞠躬拜興拜興拜興拜興平身請字冠者禮畢家長以冠者見於
祠堂 籠炊各一雙雞子果子隨宜茶湯而退

是日於嘉會堂拜諸尊長冠義日見於母母拜之見於兄弟兄弟拜時母爲之立可也
下見諸父及兄倣此

一按家禮冠位有宗子庶子之分竊謂各自爲宗者故嫡子以
著代成而尊之古禮皆冠于廟庶子則否吾家同居非一宗則以
家長爲主不必分嫡庶但冠者則依衆子例所重者責其成人之始而已矣
笄禮笄卽簪也婦人首飾也女子笄則當許嫁然嫁止於二十歲不嫁則爲非禮也

一女子年十五已上皆可行之擇日告廟陳設一如冠儀以主母爲
主人親姑或親婆爲賓但於中堂行禮止用初加祝辭醺辭笄辭
禮畢主母以笄者見於祠堂於嘉會堂拜諸尊長禮賓皆如冠儀會
婚禮第三

一男子年十六至三十歲女子年十四至二十歲身及主婚者無暮
已上喪皆可成婚必先媒氏往來通言問名俟女家許之然後過
年月吉帖今世俗便用紅紙過三代帖過帖之後便用猪羊盤合
衣服花果之類爲之暖親盤乃行聘定

一聘定者用綵段

多不踰十

或花或茶餅釵釧之類貧富隨時或用

四六啟簡或用五提頭各隨風土擇日告廟設饌果蔬酒家長詣
香案前上香再拜興祭齊于筵卽席跪執事者進酒家長灌齊于
茅讀祝 維年月日孝孫某敢昭告于 祖禰之神某之子或從
弟從姪某之子年已長成未有伉儷已議親某郡某縣姓名之女
今選某日納定謹以酒肴用申虔告敢 告

如女除未有伉儷句云已許嫁某郡某縣姓名之子謹以後同

納采具書

納其采擇之禮卽
今世俗年月帖也

某州某縣某宅

一本房長男甲子某月某日吉時生